



Nunalerinerup iluani imminut pilersorneq siuarsarneqarsinnaaqqullugu 2015-imut aningaasanut inatsisissami 5 mio. kr.-inik immikkoortitsinissamik Naalakkersuisut sulissuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Demokraatini isumaqanngilagut inuussutissanik imminut pilersulernissaq imminermi anguniagaassassoq. Ullutsinni nunarsuarmi aatsaat taama ataqatigiitsigisumi inuuvugut. Maannakkut atungartuussuseq tunngaveqarpoq nioqqutissanik paarlaasseqatigiinnermik, tunngaviunngilaq nunat ataasiakkaat imminnut pilersorsinnaanissaat. Uangut isumarput naaportorlugu inuussutissanik imminnut pilersornissaq siunnersuutigineqarmat assigiinnarpaa aamma qarasaasianik imminut pilersortariaqalissasugut immaqaluunniit biilini.

Aamma isumaqarpugut kukkunerusoq Kalaallit Nunaata kujataata sunngortinnissaa piviusunngunngisaannartussamik, naatitanik akikitsunik pilersuisunngorlugu. Silap pissusaa, angallannikkut pissutsit aamma annikitsumik ingerlatsinerup ajoqtissartai pissutaallutik naatitanik tunisassioortunngorumaartussat kujatitsinni tunisassioortunut unammillersinnaanngunngisaannartussaapput. Aamma assartuiffissap isorartunerunera ilanngukkaluaraanniluunniit.

Paarlattuanik Kujataani piviusunngortinneqarsinnaasut anguniartariaqaraluarpagut; naatitanik savap neqaanillu pitsaassutsimikkut anguneqarsinnaanngitsunik tunisassiornissaq. Ilisimaneqareersut saniatigut allanik tunisassioortoqartariaqarpoq allani ilisimaneqanngitsunik. Taqqavani nunalerisut taama ingerlareerput. Assersuutigalugu igutsaap tungusunngitsua pilergineqaqaaq akisugaluqisoq. Aamma neqinik tunisassioortoqarpoq annertunngitsumik, uulliallu nioqqutissat tamarmik nungoreerreqartarput niuertarfinnut suli apuutinngitsunga. Aamma kálit nutaat mamassutsimikkut asseqanngitsut ukiut tamaasa nioqqutigineqartarput.

Tamakkuuku siuarsarlugillu nukittorsartussaagigut aningaasaatiminnguagut suliniutinut iluatsinngisaannartussanut atoqinagit.

Inassutigaarput siunnersuut itigartinneqassasoq.